



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Hymno Te Deum. XIX.

**urn:nbn:de:hbz:466:1-39775**

aliorum quoque sententia fuit observante  
Guillelmo Cave, qui tamen id adeo incer-  
tum esse affirmat, ut uberiorem disquisitio-  
nem nequaquam mereatur.

## De Hymno, Te Deum. XXXI.

R U B R I C A.

- 1 **H**ymnus, Te Deum, dicitur in omnibus Festis per annum, tam trium, quām novem Lectionum, & per eorum Octavas, excepto Feste Sanctorum Innocentium, nisi venerit in Dominica; dicitur tamen in ejus die Oclava: Dicitur etiam in omnibus Dominicis, à Pascha Resurrectionis inclusivè usque ad Adventum exclusivè, & à Nativitate Domini inclusivè usque ad Septuagesimam exclusivè: & in omnibus Feriis temporis Paschalis, scilicet, à Dominica in Albis usque ad Ascensionem, excepta Feria ij. Rogationum, in qua non dicitur.
- 2 Non dicitur autem in Dominicis Adventus, & à Septuagesima usque ad Dominicam Palmarum inclusivè; neque in Ferius extra tempus Paschale.
- 3 Cum dicitur, omittitur semper nonum, vel tertium Responsorium; & statim dicitur post ultimam Lectionem.
- 4 Cum non dicitur, ejus loco ponitur nonum, vel tertium Responsorium; quo d. cito, statim inchoantur Laudes. S' militer quando dicitur Te Deum, eo Hymno dicto, statim inchoantur Laudes, præterquam in nocte Nativitatis Domini; quia tunc dicitur Oratio: postea celebratur Missa, ut suo loco notatur.

## Novæ Observationes, &amp; Additiones ad Gavanti

Cap. XIX. De Hymno, Te Deum.

- I. Gavant. pag. 77. col. 2. n. 1. - Quod tamen bronicum non est Dacianum &c.) Vulgaris, & communior sententia tenet, Hymnum, seu Canticum Te Deum laudamus à SS. Ambro-  
lio, & Augustino alternatim, & extempore ejusdem Versus divino spiritu afflatis recitanti-  
bus, fusile compositum, in gratiarum actio-  
nem, statim postquam Divus Augustinus Ba-  
ptismi Sacramentum suscepit. Hanc vulga-  
rem, & communiorum sententiam ample-  
ctuntur omnes illi, quos refert doctissimus Puricellus in Off. Nazari. cap. 39. n. 12. quos etiam recenset P. Eustachius à S. Ubaldo in sua elaboratissima Disquisitione, quam adornavit de Auctoribus hujus Hymni, seu Cantici num. 457. quibus addit etiam Cor-  
neum Schultingium in Biblioth. Ecclesiast. tom. 1. par. 2. cap. 2. in fin. Lorinum in Psal. 27. vers. 9. Rutilium Benzonium in Magnificat lib. 1. cap. 19. Johannem Azorium In-  
stit. Moral. tom. 1 lib. 10. cap. 15. de Cantici,  
& iterum de Hymnis. Carolum Macignum  
de Hor. Canonic. cap. 36. Jacobum Bayum In-  
stit. Relig. Christian. lib. 4. cap. 12. §. Cantus.  
Henricum Spondanum in Epitom. Annal. Ba-  
ron. in addit. ad num. 9. Anno 388. Franci-  
scum Suarium tom. 2. de Relig. lib. 4. de Hor.  
Canonic. cap. 2. num. 14. Antonium Perez  
ad cap. 9. Regu. S. Bened. num. 4. Johannem  
Baptistam Casalium de rit. Sacr. Christ. Rit.  
cap. 46. Ambrosium Cariolanum in Vit. S.  
August. Antonium Bellotte de Rit. Eccl. Lau-  
dum. obseruat. 32. num. 3. pag. 493. Franci-  
scum Carrier in Digest. Fiduci Cathol. pag. 585.  
col. 1. Emmanuel Gonzalez in Comment. ad  
cap. Presbyter. de celebrat. Missar. num. 20.

D d 3

Aloy-



274

Aloysium Torellum in *Secul. Augustinian. ad Ann. 387. num. 25.* Alphonsum Villeg. in *lb. Flos Sanctorum in Vit. S. Augustin. 28. August.* Johan. Stephan. Menochium in suis *Syromat. par. 5. cap. 6.* Dominicum Macrium in *Notit. verb. Eccles. verb. Te Deum laudamus.* Placidum Pucinellum in *Zodiac. Eccles. Mediol. par. 3. cap. 17. in fin. & in Vit. S. Simpliciani pag. 15.* Andream l'iscaram Castaldum in *Prax. Ceremon. lib. 2. sect. 3. cap. 2. n. 9.* & Johannem Baptistam Rulcam in *MS. de Cantu Ecclesiast. cap. 52. in Bibliotheca Ambrosiana.* Omnes isti præfati Hymni *Te Deum laudamus.* SS. Ambrosium, & Augustinum nonnisi ex supposito S. Dacii Chronico *lib. 1. cap. 9.* Autores fuisse cognoscunt; cuius Dacii Textum datus, non prout traditur à Jacobo de Valentia in expositione *Te Deum,* sed prout legitur in Historia Landulphi à celeberrimo viro Ludovico Antonio Muratoris, cui innumera debet eruditorum Respublica, nuperrimè evulgata, & inserta *tom. 4. Scriptorum Re-um Italicar.* -- Eodem tempore contigit, ut quidam sapiens, tamen errore Manichæorum seductus nomine Augustinus, argumentis Dialeticæ armatus, & postea Dei Fidelis, & Catholicus vivens Episcopus, eum in Ecclesia Hyemali non orationis curiositate, neque secundum causam utilem videndi, & audiendi Domini mysterii, sed reprehendendi gratia B. Ambrosium de Incarnatione Domini ad Populum invenisse tractantem, & prædicantem, oblitus sui, & suorum omnium cogitationum, pallens, & tremens omnibus, qui erant, & videntibus obrigit. Quinetiam finita admonitione, quam ad Populum B. Ambrosius ministrabat, privatim ad eum Augustinus pervenit. At B. Ambrosius cogitans ejus scientiam, patefactaque ejus disciplina, quid in arte valeret, qualiter in Fide Catholica dissentiret, & per Spiritum Sanctum cognoscens, qualiterque Fidelis, & Catholicus futurus esset, placidissime, & multum charitatib[us] eum suscepit . . . . .

Tandem nutu divino non post multos dies, sicut multis videntibus, & sibi consentientibus, palam observaverant, sic in fontibus, qui B. Johanni adscribuntur, Deo optulante, à B. Ambrosio, cunctis Fidelibus hujus Urbis adstantibus, & videntibus, in nomine Sanctæ, & individuæ Trinitatis baptizatus, & confirmatus est. In quibus fontibus, prout Spiritus Sanctus dabat eloqui illis, *Te Deum laudamus* decantantes, cunctis, qui aderant, audientibus, & videntibus, simulque mirantibus, in posteris ediderunt, quod ab universa Ecclesia Catholica usque hodie tenetur, & religiosè decantatur, & quasi ditati multis divitiis, & inæstimabilibus Margaritis, mutuò in Deum latentes, & cum gratiarum actione cibam sumentes, latati sunt, & gaudio magno gavisi in Deo confortati sunt. --

Gavantus autem noster prædictæ vulgari, & Communiori sententia aperte refragatur, quia, eruditioribus adhærendo, non admittit chronicum S. Datii Antifititis Mediolanensis, qui supremum diem obiit, vel An. 553, ut opinatur Eminentissimus, & Doctissimus Cardinalis Henricus Noris *Dissert. Historic. de Quinta Synodo cap. 6.* vel anno 552. ut eruditissime ostendunt Ballarini Fratres in obseruat, ad dictam Dissertationem n. 1. Gavanti, & alicrum sententia subscripsit etiam Hugo Menardus in *notis ad Ritus Unionis Regis Francorum post Sacramentarium S. Gregorii pag. 199. & 400.* Theophilus Raynaldus *tom. 11. in Erotet. de bon. & mal. lib. par. 1. Erotet. 10. num. 184.* Supracitatus Johannes Petrus Puricellus in *Vit. S. Laurentii cap. 11. num. 2. & cap. 20. num. 17.* fusè verò in *Disserta'. Nazarian. cap. 39. num. 10. & seq.* Oudin, in *Suppl. ad Bellarmin. de Scriptor. Eccles. verb. S. Datius;* Edmundus Martene in *Comment. ad Reg. S. Benedicti cap. 11. pag. 280.* Paulus Bosca in *Martyrologio Eccles. Mediol.* ad diem 14. Januarii. Johannes Mabillon *tom. 1. Analect. Grancolas Comment. Historic. in Breviar. Rom. lib. 1.*

esp.



cap. 33. Cardinalis Bona in *notitia Auctorum* prefixa suo operi de *Divin. Psalmod.* litt. D. ubi ait: *Datio Episcopo Mediolanensi falso adscriptum Chronicum, ut censem viri eruditii.* Et eodem lib. de *Divin. Psalmod.* cap. 16. §. 12. num. 3. Verum idem Cardinalis in memoria M. S. Correctionum, quas Psalterio Romano, quo nunc Basilica Vaticana utitur, adhibendas adnotarat, & quas per manus eruditissimi Ciampini se obtinuisse asserit supralaudatus P. Eustachius num. 495. sic legitur -- Corrigendi pag. 27. quamvis Hymnus *Te Deum laudamus* in Psalterio M. S. Basilicæ Vaticanae nomine præferat S. Sisebuti, non est tamen recedendum ab antiqua traditione, quæ SS. Ambrosio, & Augustino ipsum tribuit, cum sit communiter recepta: neque satis constat, quis fuerit ille S. Sisebutus. Ab aliis tribuitur S. Abundio, ut observo in meo tractatu de *Divin. Psalmod.* cap. 16 §. 12 n. 3. Delendum igitur nomen S. Sisebuti, & substituendum SS. Ambrosii, & Augustini. Hæc Card. Bona.

Omnes Auctores, qui Gavanti sententiae adstipulantur, eodem cuius ipso nituntur fundamento, nimurum, quia Chronicum Datianum suppositum omnino est, vel saltem valde dubium, juxta eruditorum Auctorum sententiam, unde corruente fundamento principali contraria sententiae, eandem quoque nutare pernecesse est.

P. Eustachius in *sua eruditissima Disquisit.* n. 465. aperte fatetur, S. Datii Chronicum reverè non reperi, sed num. 473. prædictum Chronicum extitisse ait, & suum assertum probare conatur, quia Bernardinus Cottius, Gualvaneus Flamma, qui floruit anno 1344. necnon Auctor Chronicus *Flos florum*, qui claruit anno 1339. omnes, inquam, isti scriptores antiqui Mediolanenses Datiano Chronicum utuntur, unde concludit P. Eustachius, à tot antiquis laudatum Datii Chronicum extitisse, pervicacis tantummodo effet denegare. Nihilominus supra allegatus doctissimus Muratorius in Appendix ad primum

tomum Anecdotorum Cap. 6. neconon in Praefatione ad Landulphi Senioris Historiam, validis proposito argumentis P. Eustachii sententiam convellit, ejusque fundamenta revertit; ostendit siquidem, Chronicum Datii Med. Archiepiscopi ab Historiographis mox laudatis commemoratum, nihil aliud esse, quam Landulphi Senioris Chronicum, nunc à se publici juris factum, nullaque satis firma ratione probari posse, Chronicum aliquod à vetustissimo illo Archiepiscopo Datio conscriptum fuisse, atque adeò excidere, vel saltem nutare argumentum ex ejusdem S. Datii auctoritate, & antiquitate petitum pro Auctoris Hymni *Te Deum laudamus*. Muratorii autem argumentis magnam præsidium accedit ex iis, quæ ipsemet P. Eustachius num. 467. & num. 468. commonenda esse tanquam certa asseverat; & primò quidem in Bibliotheca Capituli Metropolitanæ Ecclesie Mediolanensis duos reperiri Codices Historiarum Landulphi Senioris juxta fidem laudati Puricelli cit. *dissertat. Nazarian.* cap. 37. num. 8. & cap. 39. num. 13. & 21. quorum saltem uni adnexa sunt Historia Arnulphi, & Landulphi Junioris. Scriptorum pariter Mediolanensium. Secundò verò commonet idem Eustachius, huic Landulphi Codici hunc appositum fuisse, recentiore tamen manu, Titulum: *Chronica Datii Archiepiscopi Mediolani nuncupata;* idem colligitur ex responsionibus Antonii Mariæ Pasterla, ejusdem Capituli Metropolitanæ Bibliothecarii, ad quælita Johannis Mabilionii super veritatem Datiani Chronicus, quod in eadem Bibliotheca asservari præsenterat, prout in *Analectis* ejusdem Mabilionii tom. 1. pag. 5. ad 2. & 3. habetur his verbis: *Non modo non esse eadem manu descriptum: verum neque ab eodem Auctore; nam primum partem scripsit Landulphus senior & secundam Arnulphus; & tertiam Landulphus junior. omnes Mediolanenses Historici.* Titulus Chronicorum est recentior, isque est bujusmodi: *Chronica Datii Archiepiscopi Mediolani nuncupata.* Hoc

f. 215



forte insinuare voluit Carolus à Basilica Petri in Fragmentis Historicorum Mediolanensium illis verbis: *Libellis quibusdam Historicis imperie prepositum Datii nomen vobis.* Sed revera Chronicorum Datii non esse, & talem Titulum illi Codici ab imperio fuisse adjectum, qui cum Chronicorum Datii non inventaret, & nomen Landulphi fortasse non observaverit, putavit, hanc, quam esse Landulphi ignorabat, Historiam Datio esse adscribendam. Ita fatetur ipse Eustachius, & ita evenisse, censet Muratorius, qui aliis etiam verbis exhibet, alium similem Titulum, quem eisdem planè characteribus, figuris in priori pagina scriptum se legile allèverat, nimirum: *Chronica Datii Archiepiscopi Mediolanensis mei Francisci Castelli S. Mediolanensis Ecclesiae Ordin. 1575.* Eniguntur, subdit Muratorius, ut in eo Titulo apponendo, erravit Franciscus Castellus, Vir aliquin eruditus, nam quamvis ad Datiū quempiam referri forsitan potuit Chronicorum illud, at nunquam profecto ad Datiū Antistitem Mediolanensem, qui tot seculis post mortem suam acta, literis consignare nequit. Hinc dicere possumus, censuisse Castellum (eodem seculo, quo *Corius, & Alciatus* viventem, quamquam juniores) non aliud esse Datii Chronicorum, quam Landulphi Historiani. Quamquam in calce Codicis Metropolitanani scriptum sit vetustissimis characteribus, *explicit Libe floriarum Landulphi Historiographi*, nihilominus haec nil obstat, quo minus Datio eam Historiam Castellus inscriberet, quippe qui probè nosset, cum veteres Chronicorum Datiani mentionem faciunt, non de alia, quam de Landulphina Historia agere. Animadvertisit etiam Muratorius, quod in eadem pagina, in qua Franciscus Castellus affixit prefatum Titulum, ab alia manu exarata leguntur haec verba: *Primus Landulphus, Secundus Arnulphus, Tertius Landulphus*, qui omnes scripsere inter annum Domini 1000. & 1100. & ferè de Rebus schismaticis illius temporis, ut

mirum sit, bonum Castellum Datii Titulum imposuisse. Miratur P. Eustachius n. 469, quomodo Puricellus, qui præfatas Landulphi Historias perlustravit de supradicto Datii apposito Titulo, nec verbum habuerit, quare nisi supposita Caroli à Basilica Petri verba obstante, locus esset dicendi non solum recentiori, sed recentissima manu, hoc est post ipsum Puricellum, illi Codici additum ejusmodi Titulum. Hæc Eustachius, qui subdit, quod, ubi ab Auctoriis de Chronicis Datii agitur, v. g. ubi *Te Deum laudamus*, in Augustini Baptismo, ab ipso undcum Ambrofio decantatum, aut alia hujusmodi è Datii Chronicis referunt, non sunt intelligendi de hoc Landulphi Codice, cum ea inscriptione: *Chronica Datii Archiepiscopi Mediolanensis nuncupata*: sed de alio opere historicō, à Landulphi Historia distincto, ab eodem S. Datio conscripto. Ver in hujusmodi Eustachii assumptum omnino collabescit, quia, ut optimè observat Muratorius in sua allegata Præfatione ad Historiam Landulphi, omnia ea, quæ à Gualvaneo, aliisque tanquam è Datii Chronicis afféruntur, iisdem verbis in Landulphi Historia perhibentur. Incredibile autem videtur, Landulphum, cum Historiam suam scribebat, unum Datiū explicare voluisse, totamque ferme Historiam suam ex ejusdem libris concinnasse; deinde Gualvaneus, & alii supra allegati Scriptores antiqui Mediolanenses unius Datii mentionem sèpè quidem fecerunt, nullam verò Landulphi, cum tamen hujus Chronicorum eorum avo extaret, evidens igitur est, illos Scriptores Datium cum Landulpho confusisse. Denique Gualvaneus Flamma in enumerandis libris, unde suam contexuit Historiam, inter alios refert Chronicum Datii: *Chronica Datii, & Arnulphi*, in duabus autem Metropolitanæ Bibliothecæ vetustissimis Codicibus conjunctæ simul habentur *cum Landulphi, sive Arnulphi historia*; nimirum apud veteres subsequi solebat Arnulphus; hinc clare appetat, Gualvaneo idem fuisse



fuisse Chronicon Datii; ac Chronicon Landulphi. Cur verò Landulphi Historia sub Datii nomenclatura apud antiquos etiam celebrata fuerit, certis documentis profecto allequi nequimus; neque hic insudandum, ait Muratorius, cùm reliqua omnia ad id statuendum confluant, nempe Historiam hanc Landulphi antiquis cognitam, memoratamque fuisse sub Datii nomine, neque necessarium esse, alium à Landulpho excoigitare Datium, eidem Landulpho Synchro-  
num, ut excoigitavit Puricellus, sed sine ullo fundamento, ut fatetur etiam ipsem P. Eustachius.

Neque excipias, quòd Puricellus, & P. Eustachius aliqua à Gualvaneo, Corio, & Alciato adducta asserant, tanquam excerpta à Datii Chronico, quæ nunc in Historia Landulphi, aut frustra queruntur, aut alter exhibentur, ita ut inferri possit, aliam à Landulphina fuisse Datianam Historiam: non enim ex hac diversitate Textuum inferri legitimè potest varietas Auctorum præfatae historiæ; Verborum quippe, & sententiarum diveritas, vel tribuenda est Gualvaneo, qui aut amplificat, aut ex aliis Historiis, aut de ingenio, & eruditione sua explicat Landulphi sensa, vel dicendum est cum Muratorio, olim fuisse, & adhuc esse Landulphi unius Codices inter se discordes, quòd forte idem Scriptor, aut alias quisquis addiderit, sive minuerit, aut priora immutarat. Aliqua hujusmodi adnotat diversa Landulphi sensa Muratorius in laudata sua Præfatione, quæ curiosus Lector conferre poterit cum Codice, unde Landulphi Historiam ipse Muratorius descripsit, & facile intelliget, Landulphina Codices MSS, non omnes in isdem consentire, multaque aut addita, aut dempta fuisse.

Unicum superest argumentum à nobis diluendum, quo P. Eustachius confidenter jactat num. 484. se probare, S. Datium Historias verè conscripsisse, quia nimis rurum Patulus Diaconus, qui florit anno 780. Hi-

Gavant. Rubr. Brev.

storianarum lib. 16. sic habet: *tanta siquidem per universum mundum eo Anno, maximèque apud Ligiam famae excreverat, ut sicut Vir Beatisissimus Datius, Mediolanensis Antistes, retulit, plereque Matres infelicitum natorum comedenter membra, quod, & præstat Anastasius Bibliothecarius in S. Silverio dicens: eodem tempore tanta famæ fuit per universum mundum, ut Datius, Episcopus Civitatis Mediolanensis, relatione sua hos evidenter narraret, quod in partibus Liguria &c. Ex iis P. Eustachius deducit, liquido constare, à S. Datio Historiam aliquam sui temporis conditam fuisse. Verum Doctissimus Bollandus tom. 1. Ador. Sanct. in vita S. Datii ad diem 14. Januarii §. 1. num. 13. de hisce Datii scriptis ait: Possent tamen relationes videri fortassis epistolæ narrationes, cui Bollandi opinioni libenter accedo, non enim ex prædicta famis relatione à S. Datio exarata, inferri legitimè potest, ipsum, & suorum, & superiorum temporum historias scriptis consignasse; multoties siquidem contingit, quòd sacri Antistites in similibus eventibus Pastorales exscribant Epistolas ad suum Clerum, Populumque directas, eos adhortando ad publicas pœnitentias subeundas, precesque effundendas, ut divinæ Justitiae flagella removeantur, sic Doctissimus & zelantissimus Henricus Xaverius Bensuncius præsens Massiliæ Antistes anno vigesimo currentis seculi, quo in prædicta Civitate magna grassabatur lues, piissimam, elegantemque adornavit epistolam Plebi sua directam, in qua mirabiliter profecto stylo describebat illius temporis Calamitates, quibus sua Diœcesis premiebatur, referebatque damna Massiliae illata ab ea, quæ tunc ibi sciebat, gravi pestilentia. Si quis historicus, seu Annalista ad comprobandas suas enarrationes mentionem faceret hujusc Relationis, in dicta Pastorali contentæ, possetne inferri, laudatum præclarissimum Præfulem Chronica, seu Historias sui temporis elucubrasse? Minimè gentium. Ex quo igitur S. Datius aliquam exaraverit*

E c Rela-



Relationem maximæ famis, quæ per totam Liguriæ suo tempore excreverat, non inde sequitur, Historias suorum, & multò minus superiorum temporum concinnas. Non bene igitur P. Eustachius ex prædicta Relatione à Paulo Diacono, & ex eo à Vulgato Anastasio allegata infert, & adstruit, liquidò constare, S. Datium Chronicon aliquod composuisse. Quinimmo cùm Paulus Diaconus nonnisi pro dicta fame comprobanda, Datii Testimonio utatur, & in nullius alterius rei eundem Præsulem Testem advocet, signum manifestum est, nullum Chronicon ab eo scriptis traditum fuisse. Rursus, quoniam hujus famis in supralaudati Landulphi Codice nulla fiat mentio, omne ruit argumentum, quo probetur, eundem Landulphum ex Datii Chronico aliquod hauiisse, quod in sua historia complexus sit. Semper itaque firmum remanet, nihil certi statui posse super prædicto Datii Chronico, & super prælaudatis Auctoribus Hymni, seu Cantici *Te Deum laudamus* in eodem Chronico significatis.

Laudatus P. Eustachius §. 12. & 13. procedit ad comprobandam suam sententiam aliis etiam conjecturis, & argumentis, ita ut non subsistente etiam veritate Chronicæ Datiani, minimè excludi debeant à compositione Hymni *Te Deum laudamus* prælaudati Sancti PP. Ambrosius, & Augustinus. Igitur comprobare studet hanc suam opinionem allegatus Auctor ex M. S. Libro Psalmarum, quem Carolus Magnus anno 772. Hadriano I. Summo Pontifici dono misit, qui postea ab eodem Hadriano S. Willehad I. Ecclesia Bremensis Episcopo, de anno 788. donatus in eadem Ecclesia seculorum octo, & ultrâ spatio asservatus, modo vero in Bibliotheca Cæsarea custoditur testante eruditissimo Lambecio tom. 2. Comment. ad eandem Bibliothecam lib. 2. cap. 5. pag. 294. post num. 130. In appendice ejusdem Psalterii Hymnus *Te Deum laudamus* reperitur sub hoc Titulo num. 7. *Hymnus,*

quem S. Ambrosius, & S. Augustinus invicem considerunt, *Te Deum laudamus.* Ex quibus, & ex aliis conjicit P. Eustachius, quod si illis temporibus hæc erat de præfati Hymni Auctoriibus opinio, cùm putandum non sit, sine fundamento prædictum opinamentum invaluisse, conjicit, inquam, ex Datii Chronico talem notitiam fuisse desumptam; prout & Sapientissimus Mabillonius Cap. 6. de Azimo ex prædicto Caroli Magni Psalterio sufficenter sic insinuat: *bine appare, persuationem de Auctoriibus isti us Cantici (scilicet Ambrosio, & Augustino) non esse admodum novam, & recentem: sed aut ipsius Datii tempore, aut paulo post receptam.* Ex prædictis tamen argumentis, & ex aliis conjecturis, quas congerit Eustachius §. 13. nihil aliud probatur, nisi quod ante Landulphi evum, & Historiam ab ipso concinnatam locum habuit apud aliquos sua sententia de Auctoriibus prædicti Cantici, sed nunquam evincitur, prædictam opinionem ex Chronico Datiano derivatam fuisse, cùm revera ante Landulphinam historiam de tali Chronico Datii nullum habeatur verbum, nullus penitus mentio fiat à scriptoribus antiquis, & Landulpho superioribus. Dicendum igitur potius est, quod antiquæ illi opinioni fucum probabiliter fecit sermo 92. S. Ambrosii, qui habetur in edit. Parisien. ann. 1549. & qui est inscriptus: *De Augustini Baptismis* in hoc enim sermone leguntur hæc verba: *In quo una Vobiscum cum divino instinctu Hymnum Cantavimus de Christi fide;* hic sermo, & hæc verba, qua Divo Ambrosio supposita fuerunt, occasionem dederunt opinandi, S. Antistitem locutum fuisse de Hymno *Te Deum laudamus*, & hinc originem habuit illa antiqua nonnullorum opinatio, quam Pater Eustachius derivatam fuisse arbitratur ex Chronico Datiano, quod profectò nunquam extitit, ut cum Muratorio suprà ostendimus. Sed quia pariter prædictas sermo 92. non est genuinus Ambrosii fœtus, immo omnino suppositius, cumque redarguerunt docti viri,

(ut)



(ut afferit Possevinus in Apparatu sacro) in quibus est etiam Baronius, & Bellarminus, Cardinales, quorum postremus ait, talem sermonem longissimè distare à stylo, & gravitate Ambrolii, nec ullo modo credibile esse, quod in eo sermone dicitur, Ambrosium sape Deum orasse, ut eum à captionibus Augustini liberaret. Augustinus enim non disputando cum Ambrosio, sed eum concionantem audiendo, ad Fidem Catholicam conversus est, ut ipse idem testatur lib. 5. Confess. cap. 13. & lib. 6. cap. 1. Ea, quæ afferuntur in dicto sermone, referuntur pariter à Landulpho *supracit.* lib. 1. cap. 19. unde liquido constat, ea, quæ ibi enarrat, non eruuisse ex Chronico Datii, sed ex hoc supposito sermone Ambrosiano. Hunc sermonem Benedictini PP. adeò Ambrosio indignum existimarunt, ut in novissima Ambrosii editione illum omiserint.

Quamvis autem laudatus Bellarminus Ambrosio dictum sermonem 92. abjudicet, nihilominus versatur in vulgari, & Communis opinione, quæ Cantici *Te Deum laudamus* Ambrosium, & Augustinum Auctores cognoscit; ait enim, *extare Chronicum S. Datii Episcopi Mediol. qui Iustino imperante floruit, in cuius Chronicis lib. 1. cap. 10. scribitur: Completo Baptismo S. Augustini, toto obstupefcente populo, repente Canticum illud à SS. Ambroso & Augustino alternatim fuisse cantatum,* hæc Bellarminus, cuius sententiam de Datii Chronicis satis suprà refutavimus; quod vero ait, Datium, Iustino imperante, floriisse, quod etiam à Gerardo Vossio dictum est de *Historiis Latinis Cap. II.* falsum omnino est, cùm Datius sub Justiniano, Iustini successore, florerit. Ex prædictis omnibus claram sit, prædictam illam antiquam opinionem, quæ ante Landulphi Historiam invaserat de Auctoriibus Cantici *Te Deum*, falso pariter fundamento fuisse innixam, nempe dicto Ambrosiano sermoni, & quamvis verum sit, ut ait Mabillonius, eam opinionem receptam fuisse, aut Datii tempore,

aut paulò post, nunquam tamen evincitur, neque Mabillonius afferit, ex Chronico Datiano eam fuisse depromptam. Quapropter confidenter nimis loquitur P. Eustachius, quando infert, nullum esse fundamentum denegandi à SS. Ambroso, & Augustino. Compositum fuisse Hymnum *Te Deum laudamus*, cùm potius è contra certum sit, nullum esse fundamentum, talem opinionem tuendi, quia hæc desumi non potest neque ex Chronico Datii, quod nunquam extitit, neque ex cit. serm. Divi Ambrosii, qui ab omnibus sapientibus rejicitur.

II. Gavant. pag. 77. col. 2. n. 1. - *Qui etiam melius censent, totum Hymnum uni Ambroso deberi &c.* Auctores, qui præfatum Hymnum, seu Canticum soli Ambrosio adjudicant, sunt Johannes Petrus Puricellus in *Dissertatione Nazariana supracit.* cap. 39. num. 7. & 8. Edmundus Martene *ad cap. II. Regula S. Benedicti* hæc dicit: *Solus à Smaragdo, & aliis quibusdam creditur Ambrosius*, scilicet Auctor, quia Smaragdus in dicto Cap. Regul. Benedict. *Ambrosianum eum vocat Hymnum.* Qua forte de causa Petrus Boërius ad dictum Cap. II. Regul. ex Titulo, inquam, *Ambrosiani*, scripsit: *Hic autem Hymnus factus est à B. Ambroso post Baptismum S. Augustini.* Eundem Hymnum eodem Titulo prænotavit & Gualterus Tervanensis in vit. S. Caroli, Comitis Flandriæ, Cap. 38. apud Dufresne Verb. *Hymnus Te Deum laudamus*, & Scriptor miraculorum S. Pelini apud Ughellium in *Italia Sacra* tom. 9. Col. 38. ubi legitur: *Quod perspicientes clerici intraverunt Ecclesiam, & Te Deum laudamus, Ambrosianum scilicet Hymnum, succinunt ante sandi sepulturam.* Novissimè vero Tobias Lohner in *Instruct. pract. de Officio Divin.* part. 2. tit. 1. §. 11. Rursus in Codice etiam non solum num. 555. anno 1472. exarato, sed & in altero num. 430. Bibliotheca Cassinensis supra 350. annos antiquo *Te Deum laudamus* sic inscribitur: *Hymnus S. Ambrosii.*

E e 2

Ve-



Verum ex his omnibus minime firmari potest hac secunda opinio, quae soli Divo Ambrosio tribuit præfatum Hymnum; ex Codicibus etenim allegatis Bibliotheca Cassinensis nihil solidè desumti potest, ob libertatem Amanuensem jam superà nobis observatam in apponendis Titulis, & quam nemo inficiari potest. Praterquam quod alii Codices reperiuntur in eadem Bibliotheca Cassinensi Teste D. Erasmo Gattola allegato à P. Eustachio num. 445, in quibus *Te Deum laudamus* sequentibus inscriptionibus adnotatur: *Hymnus S. Ambrosii, & S. Augustini. Hymnus, q' em S. Ambrosius, & S. Augustinus compo'ueran.*

Similiter nihil juvat illud de *Ambrosianis* Titulo, ob quem Martene adstruit, soli Ambrosio tributum fuisse illum Hymnum à Smaragdo, quia hæc sunt verba Regul. S. Benedicti: *Post quartum Responsum, incipiat Abbas Te Deum laudamus, quo predicto, legat Abbas lectionem de Evangelio cum honore, & tremore, stanib' omnibus, qua perfecta respondeant omnes Amen, & subsequatur mox Abbas Hymnum Te decet laus. Post quæ verba Smaragdus subjungit: Cantoris (loquitur de Abbatibus, non Diaconis) non gestare officium, & idè non possunt Ambrosianum alte brando Hymnum incipere; unde non satis appareat, quæm Hymnum ex istis duobus Ambrosianum appellare voluerit Smaragdus, & quando utrumque in mente habuerit, nihil inde probatur, quia Smaragdus S. Benedicti phrasim adoptavit, qui omnes Hymnos Ambrosianos vocat, sive ab Ambroso compositi fuerint, sive ad suorum Hymnorū imitationem ab aliis Auctōribus fuerint elucubrati, ut testificatur Walfridus Strabo de *Rebus Ecclesiæ Cap. 25.* dicens: *Hymni dicuntur per Horas Canonicas, quos Ambrosianos nominamus, vel illos vult (S. Benedictus) intelligi, quos consecit Ambrosius, vel alios ad imitationem Ambrosianorum compitos.* Et Cornelius Schultingius tom. 1. part. 2. Bibliothec. Ecclesiast. scđ. 2. cap. 7. afferit: *Hymni autem**

*omnes dicuntur Ambrosiani, non solum qui Ambrosius fecit: sed omnes etiam alii Ambrosiani dicuntur, qui eodem tempore facti sunt à quoque mque Andore, ut quarto quoque versu sententiam absolvant. Hec omnia confirmant eruditissimi Benedictini Sangermanenses tom. 3. Sancti Ambrosii in Admonitione ad Hymnos ejusdem S. Antistitis, ubi dicunt, quod S. Benedictus, dum in sua Regula Divini Officii rationem sui prescribit, Ambrosianum, scilicet Carmen, quod etiam alibi Hymnum vocat, ad singulis Horas Cantari juber. Veritatem qui commentatora scriperunt in eandem Regulam, vocent, Ambrosianum, post Radulphum ita interpretantur, ut eos Hymnos, vel quos consecit Ambrosius, vel alios ad imitationem Ambrosianorum compositos designet. Prae laudati Monachi adnotant eodem loco, quod *Hymnus Te decet laus, Ambrosia us vocat lib. i. miraculorum S. Richarri;* sed quoniam sensu ita dictus sit, haud satis liquere affirmant, cum enim ille non constet metris, neque ab Ambrosio, neque ad formam Ambrosianorum Hymnorū factum oportet. Ex quibus colligitur, à Smaragdo perperam appellatum esse Ambrosianum Hymnum *Te Deum laudamus*, vel *Te decet laus*, quia iterque caret Metro; Hymni autem, qui Ambrosiani vocitantur, sive ab Ambroso sint compositi, sive ad ejusdem imitationem, metrici semper sunt. Ex iis igitur, & ex aliis Testimoniiis, quæ legi possunt apud allegatum P. Eustachium num. 448. non est, cur ex Titulo *Ambrosianus* dicto Hymno ab aliquibus apposito, dicatur, quod idem Hymnus à Divo Ambroso compositus fuerit.*

Ad ea, quæ afferit Puricellus loc. supradictum, nimirum, quod S. Ambrosius compo sserit Hymnum de Trinitate, quem quotidie recitabant Fideles, ut idem Ambrosius testatur in orat. de Basile. non trad. Hartt, per hæc verba: *Hymnorū quoque mecum carminibus deceptum populum serunt (Ariani.) Placè nec hoc abnuo. Grande Carmen istud est, quo nihil potentius; quam Confessio Trinitatis,* qua



que quotidie totius populi ore celebratur? Ceteratim omnis studet Fidem fateri, Patrem, & Filium, & Spiritum Sanctum norunt versibus predicare. Quem Hymnum alium esse non posse opinatur Puricellus, quam Te Deum laudamus propter Trinitatis Confessionem, quae in eo habetur, ob illa verba. Per singulos d[omi]n[u]s benedictus te, & quia veteres Ambrosiani hunc Hymnum de Fide Christiana nuncupabant, quem Hymnum cum S. Augustinus adhuc Catechumenis dicere potuerit, potuit itidem in Baptismo suscipiendo cum S. Ambrofio concinere. Ad hanc Puricelli conjecturam occurrit Theophilus Raynaudus Erotem. 10. num. 179. dicens, verificari posse omnia, quae ab eodem Puricello assertur de Hymno S. Ambrosii *Iesu Redemptor Gentium*, vel de altero Deus *Creat[or] omnium*, ut vult Waldensis tom. 3. pag. 9. num. 4. dicens, posse fieri, ut illum Hymnum in colligat (in ea concione Ambrosius) quem ejus esse de Trinitate comp[os]itum versibus jam Augustinus edixit Deus Creator omnium, vel etiam de illo splendor paterna gloria, ut in tom. 5. operum S. Ambrosii, in quo SS. Trinitatis Mysterium proponitur, & qui illi persequendum Arianorum temporibus usque congregabat pro fide conservanda. Posset etiam dici, omnes Ambrosii hymnos Confessiones Trinitatis vocari, quia in omnibus tunc a se editis Hymnis, & in Ecclesia canendis, populo traditis, ad finem cuiuscunquam iporum glorificatio esset SS. Trinitatis, ut explicat Baron. ad Annum 387. & confirmat Suarez de Religione lib. 4. cap. 2. n. 13. dicens: *quatinus in Hymnis a S. Ambrofio editis semper in fine additum glorificationem Trinitatis.* Unde Guyetus lib. 3. cap. 5. quest. 6. loquens de Hymnis, hac habet: *Ultimum stropham ob iner glorificatio Trinitatis, qua hymni omnes, aquae ac Psalmi semper concluduntur ex antiquissimo Ecclesiae usu, quod adstruxit Ambrosius orat. in Auxen, de Basiliis non tradit. ubi de hymnis a se conscripsit, & in Ecclesia a Populo decantatis sermonem habens, sic ait: Quid po-*

tentius, quam Confessio Trinitatis, quae quotidie totius Populi ore celebratur? Certatim omnes student Fidem fateri. Patrem, Filium, & Spiritum Sanctum norunt versibus predicare. Et sic, ut optimè ponderat P. Eustachius n. 449. cum habeatur clarè, quid intellexerit S. Doctor pro Hymno de Trinitate seu Trinitatis Confessionem continente, a se composto, non est, cur ad h[oc] Ambrosii verba verificanda recurratur ad *Te Deum laudamus*, ut contendebat Puricellus.

III. Gavant. pag. 77. col. 2. eod. n. 1. -- Legi pro Titulo *Hymnus S. Abundii*. Præter suprà dictas opiniones circa Auctorem Hymni *Te Deum laudamus* alia etiam circumferuntur, quæ aliis Auctoribus eundem Hymnum referunt. Ita Gavantus in Breviario MS. Collegii Aniciani de Urbe antiquissimo legit: *Te Deum laudamus*, hoc Titulo prænotatum: *Hymnus S. Abundii*, cujus tamen Auctoris nullibi alias mentio habetur, unde prorsus ignoratur, quis sit. Natalis Alexander in sua Historia Ecclesiastica Seculo 4. cap. 6. num. 12. Canticum *Te Deum laudamus* refert cuidam Monacho Ordinis Benedictini, Silebuto nomine, idque constare assertit ex antiquo Breviario Chori Monasterii Cassinensis descripto paulo post Ann. 1086. in quo hocce Canticum inscribitur: *Hymnus Sistetti Monachi*: cui pariter idem Canticum tribuitur in altero Codice MS. Vaticanae Bibliotheca laudato a doctissimo Card. Bona in lib. de Divin. Psalmod. Veram mirari profectò est, Natalem Alexandrum ita facile hunc errorem amplecti, & a semetipso cognitum, cum eodem loco fateatur, hujus Cantici *Te Deum* mentionem fieri in Regul. S. Benedicti, ab eodem instituta, & quod pluris est, in Regul. S. Celsarii Arlatensis, quam Benedictina antiquorem esse, probat P. Eustachius num. 421. quare sine aperta contradictione affirmare non potuit, Silebutum, Ordinis S. Benedicti Monachum, hujus Hymni parentem fuisse.



Nou desunt etiam, qui eundem Hymnum Nicetae adscribant, ducti auctoritate Psalterii Latini-gallici, cuius mentionem fecit Jacobus Usserius Armacanus in tract. de Symbol. Roman. Eccles. sed cum ignoretur, quis fuerit iste Nicetas, qua aetate floruerit, hujus Hymni auctor judicari non potest, praesertim cum ex verbis, ab Usserio laudatis, colligatur, Nicetam recitasse Hymnum cum quibusdam additionibus, ab eodem Usserio relatis, non autem composuisse praedictum Hymnum.

Denique Benedictini PP. qui S. Hilarii Pictaviensis opera recentia ediderunt A. 1693. eruditissime notis illustrarunt, in Præfatione §. 3. num. 22. citant fragmentum Epistolæ MS. Abbonis Floriacensis, in quo res veluti nota, & constans ponitur, hujus Hymni parentem esse Hilarium, his verbis: *In Dei palinodia, quam composuit Hilarius, Pictaviensis Episcopus &c.* Et quidem Hymnos ab Hilario fuisse compositos, gravissima Concilii Toletani IV. S. Hieronymi, & Isidori auctoritate probatur. Hunc vero Hymnum S. Hilario tribuere propter unius Abbonis testimonium, non satis consultum videtur, cum iste Auctor vixerit post Hilarium Seculo VI. Incertum itaque prorsus est, cui debeat hic Hymnus vendicari, quamvis de ejus antiquitate dubitari non possit. Suspicor ego, hunc Hymnum seu potius Canticum vel a S. Hilario Arelatensi, vel ab aliquo Lirinensi Monacho fuisse compositum, certum enim videtur, hunc Hymnum fuisse conscriptum pro Matutinis Officiis, ut ex postremis ejusdem versibus facilè colligi potest: *Per singulos dies benedicimus te; dignare Domine die isto sine peccato nos custodire;* quæ aptata sanè sunt viris Choro addictis, & quotidie Deo laudes in exordio diei persolventibus; hinc fortasse Cæstarius, Hilarii successor, qui primus Hymni mentionem fecit, Regulæ suæ eundem inferuit.

IV. Gavant. pag. 77. col. 2. eod n. 1. -- Gelasius autem cantari de revis &c.) Quod

asserit Gavantus, Gelasium decreuisse cantari *Te Deum*, id colligit ex Benzon, in Magnis at, cui tamen nulla fides adhiberi debet, cum alia adducat idem Auctor, que aliena sunt à veritate, sicut falsum omnino est, Gelasium instituisse decantationem hujus Cantici, cum hoc neque ex suo Decreto, neque ex alio documento erui possit.

V. Gavant. pag. 77. col. 2. n. 3. -- Radulph. propos. 12. etiam de Festis Simplicibus &c.) Radulphus à Gavanto citatus allegando caput Innocentii III. Consilium extra de celebrat. Missar. afferit, hunc Hymnum omittendum esse in diebus profestis, hoc est, ut ait Glossa, privatis, quasi procul à Festo, quando videlicet tres fiunt Lectiones; rationem reddit Innocentius cit. Can. ut videlicet inter Commemorationem, & Sollemnitatem differentia ostendatur, unde juxta Radulphum etiam in Festis Simplicibus, quæ sollemnitates non censentur, sed potius Commemorationes, prætermitti debet *Te Deum*. Quia tamen jure novo Breviarii Pii V. Festorum nomine hac in parte veniunt etiam Festa simplicia, idcirco usu Romano, & juxta dispositionem superioris Rubrica in iis nequaquam amplius est omittendum *Te Deum*, sicut nec in illis duplicitibus, & semiduplicibus, etiam translati temporibus Adventus, & Quadragesima. Immo præfatus Hymnus juxta Ritum Romanum recitat etiam in Officio feriali toto tempore Paschali. Juxta Regulam tamen Monasticam S. Benedicti nunquam dicitur *Te Deum*, nisi quando habetur Officium duodecim Lectionum.

VI. Gavant. pag. 78. col. 1. n. 7. -- Festum Innocentum non admittit hunc Hymnum, nisi in die Octava &c.) Hoc Festum admittit Hymnum etiam quando venit in Dominica, ut patet ex superiori Rubrica, & ex nostro Gavanto 'et. 6. cap. 6. n. 3. ubi etiam reddit rationem harum dispositionum, & n. 7. admittit, cantandum esse eundem Hymnum in ea Ecclesia, in qua Titulus Eccle-

six (non tamen solius Altaris majoris) fuerit  
SS. Innocentium.

Quando recitantur illa verba : *Te ergo quæsumus &c.* omnes in Choro , detecto capite , genuflectunt , & quidem utroque genu , im-

mo in Cerem. Episcoporum lib. 2. cap. 5. adnotatur, quod etiam si adhibetur Organum, hæc verba sunt cantanda à Choro , & omnes, ut diximus, genuflectunt.

## Novæ Observations, & Additiones ad Gavanti

### Cap. XX. De Symbolo S. Athanasii.

I. Gavant. pag. 78. col. 1. n. 1. -- S. Athanasius dum esset Romæ , scriptu Latinè Symbolum , de quo hic loquimur . . . . Anno 340. ut scribit Baronius &c. Gavantus inhaerens Baronii sententiæ celeberrimum Symbolum , de quo nunc est sermo , Athanasio adjudicare non dubitat ; immò cum eodem Annalium Ecclesiasticorum parente censem , Roma editum fuisse ab Athanasio , & coram Pontifice Julio I. & aliis fuisse recitatum ; cui quidem sententiæ adstipulatur etiam Card. Bona lib. de Divin. Psalm. cap. 16. Verum quamvis horum Virosū commendatissimæ auctoritati plurimum tribuam , nihilominus adduci non possum , ut prædicto eorundem placito acquiescam. Considero siquidem , quod d. S. Athanasius non fuerat de doctrina apud Julium Pontificem accusatus (Eusebiani enim , ejus hostes , Nicenæ Fidei se assentiri simulabant) sed accusatus fuit Athanasius , quod à Synodo damnatus , nec ab ea restitutus , Sedem contra Canones receperit. Insimulatus pariter fuit idem S. Antistes , quod ejus Alexandriam redditus multarum cædium causa fuisse , & denique , quod Ægypti , ac Lybia Viduis triticum eripuisse à Constantini munificentia eisdem donari solitus. Cum igitur non haereseos , sed aliorum criminum reus ab Eusebianis accusaretur S. Athanasius , & non solum Fidei ejus integritas nota esset Julio Romano Pontifici , Catholicisque omnibus , sed perspectum etiam esset ejusdem Athanasii studium pro Nicæni Concilii defensione , nec non exploratum , eundem S. Antistitem in odium Fidei calumniis impeditum , & depo-

sitione , ac exilio afflictum fuisse ; hinc incredibile omnino videtur , quod Julius Pontifex ad comprobandum Athanasii orthodoxyam illum coegerit ad emittendam coram se , & aliis Catholicæ Fidei professionem. Secundò ad non subscribendum Baronianæ sententiæ suadeor etiam , quia cum Athanasius nunquam ab Apostolicæ Sedis Communione separatus , sed ea semper gavisus fuerit , eo etiam tempore , quo ab Eusebianis accusabatur , non latius intelligo , cur Eminentissimus Baronius hanc Fidei professionem Athanasio necessariam fuisse arbitretur , ut Ecclesia Romanæ Communione frui valeret. Tertiò denique moveor , quia si Romæ conditum , & palam recitatum fuisse hoc Symbolum , quis sibi suadere poterit , quod nullum exemplar in Scriniis Apostolicæ Sedis custoditum fuerit ; & quod S. Leo , qui saepius post quartam Synodum scribens ad Orientales Episcopos , propriam Orientalium Ecclesiarum traditionem appellat , exinde nullam mentionem fecerit Athanasiani Symboli , in quo tam expressè , & tam distinctè Nestorii , & Eutychetis haereses confodiuntur? Ultro quidem admitto , multo invicem intervallo distare posse aliquando Scriptoris atatem , & ejus operis notitiam , neconon sub veri Auctoris nomine celebritatem ; sed si verum esset , Athanasium hanc Fidei Testeram Romæ edidisse , & palam recitasse , iterum dico , difficile planè videtur , quod opus adeo pretiosum , & monumentum hoc commendatissimum S. Leonis notitiam , & diligentiam omnino effugerit ; præcipue quia in Pontificiis archivis hujusmodi Fidei pro-

